

HISTORIA DI CARNAVAL



E palabra carnaval ta di origen italiano cu ta bini di "CARNEVELERA" cu ta carni. Carnaval ta un fiesta cu ta cuminsa dia di Tres Rey y ta terminá Diarazon di shinishi. E tabata un evento cu ta anunciá e temporada di cuaresma y tabata habri caminda pa e fiestanan popular.

Aña 1945 ta e aña cu pa promé biaha carnaval a tuma lugaraki na Aruba. Esaki tabata na momento cu Aruba a celebrá e fin di e di Dos Guerra Mundial na estilo di carnaval. Esaki a tuma lugar na San Nicolas, unda un grupo grandi di Trinidad y otro islanan den Caribe a tene un parada grandi di carnaval.

Asina e carnaval a sigui crece aña tras aña cu awor aki nos tin e fiesta di cual tur hende ta goza.

Na aña 1948 a tene un parada di carnaval den e cayanen di San Nicolas. Esaki a wordo organizá pa Calvin Assang y su grupo. E parada di carnaval aki

tabata un forma pa celebrá e 50 aña di reinado di Reina Wilhemina. Esaki tabata ser considerá e promé parada grandi di carnaval di San Nicolas.

Na 1949 a tuma lugar e promé parada público na Oranjestad. Esaki a wordo organizá pa club Tivoli. Esaki tambe tabata e aña cu e promé steelband a lanta bao di guía di Edgar Connor. Number di e steelband aki tabata Aruba Invanders.

Na 1954 Tivoli y Club Antillana a uni pa asina forma e promé parada den Oranjestad. Esaki tabata e promé esfuerzo haci pa uni tur e otro clubnan chikito y isolá den un gran parada. Na December di e mesun aña aki a forma e Comité Central di Carnaval di Aruba (CCCA). Esaki a sosodé riba iniciativa di Eric Arends di Tivoli. E promé presidente di e comité aki tabata Dolfi Oduber kende e tempo ey tambe tabat presidente di Tivoli. E otro miembronan di CCCA tabata representantenan di e otro

clubnan social rond di nos isla.

Aña 1955 Aruba a conocé su promé parada di carnaval coordiná pa CCCA. E parada aki tabatin un total di 120 participante. E promé reina di carnaval di e tempo ey tabata Evelyn Croes mientras cu e promé prins y pancho tabata Casper Lacle y Moris Neme. kendenan a habri e parada.

Na 1956 a tuma lugar e promé parada di mucha mientras cu despues di 1957, tabata organizá un parada di carnaval tanto na San Nicolas como na Oranjestad.

Aña 1964 tabata un aña impactante pa Aruba su carnaval. CCCA a bira SAC. Stichting Arubaanse Carnaval. Epresidente di SAC tabata Milo Croes (presiente di Club Antillana) y kende a keda na cabez di SAC te cu awor. Tambe a lanta e Comision Carnaval Hubenil di Aruba, despues di cual Yolanda Coutinho a wordo eligi e promé reina hubenil di Aruba su carnal. Nilo Erasmus y Jossy Tromp a keda eligi como e promé prins y pancho hubenil. E mesun aña aki a tuma lugar e promé festival di calipso hubenil di cual Paul Connor a resultá e ganador mientras cu na 1965 El a bira e promé Roadmarch King cu su cancion "Pork for sale".

Na 1967 Arnold Beyde y

Samuel Hodge a dirigí e promé brass band formando partiasina di e Goldfinger Fan Club.

Di aña 1970 te cu 1980, carnaval di Aruba a sigui desarroyá na un manera hopi positivo.

Na 1971 Casin Giel a bira e promé Rey di Tumba mientras cu Jeanette van der Linde a bira e promé reina infantil di

Trimon a bira e promé Rey di Tumba Hubenil na aña 1983. Sherwin Howell a gana e promé Calypso y Roadmarch infantil na aña 1987.

Na aña 1992 a introduci e Cocoyoco Jam na Noord. E ta un fiesta di pijama cu ta pasa e ruta cuminzando di veld di Bubali y ta terminá na Centro di Barrio Noord.



Aruba su carnaval na aña 1976.

1981 te cu 1990 tabatin mas desarroyo positivo den e carnaval di Aruba. Na 1982 Rick y Eddy Lobrecht a bira e promé prins y pancho infantil y Eddy Germanus a gana e promé título di Roadmarch King hubenil, mientras cu Oslin

Na aña 1994 Lilian Felida a bira e promé Señora Carnaval. Na e evento aki ta participá muhernan di 30 aña pariba y e aña aki tabata e di cinco aña consecutivo cu e actividad aki ta wordo organizá. E ganadora e aña aki tabata Sra. Betty Werleman.

